

atque haec omnia charissimi in Christo filii Ferdinandus et Helisabeth, sapientissimi ac pientissimi Castellae reges, considerantes animoque metientes, quam luctuosae rebus christianis, quam perniciosae apostolicae Sedi, quam periculosae fidei catholicae essent hujusmodi perturbationes, maxime propter schisma, quod in Ecclesia a nonnullis jam procurabatur, pio zelo ducti universalis concordiae miserint ad nos humiliter pro pace supplicatum; idem venire ipsi fratres nostri, idem populus romanus, idem aliae ecclesiasticae civitates, idem reliqui Italiae potentatus summis precibus postulaverint, rogaverintque; duximus eorum honestissimo desyderio annuendum, praecipue quum ad prisenum institutum et naturam nostram parandae conservandae pacis hoc accedat, atque in ea inciderimus tempora, in quibus nihil magis expetendum, nihil magis necessarium sit, quam Italiam inter se consentientem habere, ab armis discedere, capta hinc inde restituere, odia et simultates deponere, in mutua tranquillitate conquiescere, si vere christiani esse volumus, si libertatem, si fortunas, si Dei cultum et religionem, qua nihil nobis carius esse debet, adversus immensissimam turcorum gentem excidio Italiae imminentem tueri et protegere desyderamus. Quam ob rem, quum persuadeamus nobis et te et inclytam rempublicam tuam ab hoc communi bono non abhorreere; quippe quae omni tempore pacem dilexerit et omnes discordiarum causas de medio tollere studuerit; hortamur te paterno affectu, ut postquam reliqui omnes in mutua quiete nobiscum conjungi cupiunt et postulant, velis et tu ad hanc sanctam et optabilem unitatem accedere, ab armis discedere, capta restituere, res ferrarienses omittere, neque amplius bello et obsidione civitatem illam nostram urgere. Quod profecto non solum summa sapientia tua dignum erit, qui considerare potest, quo in discrimine Italia omnis versetur; sed ita tibi erit honorificum et gloriosum, ut immortalem laudem apud omnes sis consequuturus. Siquidem offerimus nos excellentiae tuae in justitia prompte et expedite non defuturos, si quid habes, quod